

第178冊

北京圖書館

編

北京圖書館藏珍本

年譜
叢刊



□ 北京圖書館 編



北京圖書館藏珍本
年譜叢刊

北京圖書館出版社

第 178 冊

第一七八冊目錄

方山民紀年詩		一
湘綺府君年譜		一〇三
醉園府君年譜		四五
石叟年譜		四六
周慤慎公自著年譜		五三

序

學問年進也精力年退也年進者每苦於難進年退者每苦於易退求其難進而益進猶可人力勉爲保其易退而不退則非得天獨厚不能此吾於紫庭先生所以佩之深羨之切而不自已已也先生今年八十有八猶日勤於文史晤輒娓娓逾數時不倦有所感觸發爲詠歌其詩學之精進無止境也夫人生百歲孱弱者甫及中年善忘厭事衰態畢現卽健者年逾八十耳聾目矇不能與一事亦限於天之無可強者也先生神明不衰構思握管無讓少壯

近成編年詩一卷自一歲至八十八歲歲繫以詩其間出處之得失境遇之順逆家庭之悲喜時事之平陂厯厯記載無遺作杜陵詩史觀可作古賢年譜觀亦可精力之健全不誠加人一等乎非能保其易退而不退者乎非所謂得天獨厚者乎辱委弁言不佞何足引重屬附忘年又不敢以不文辭爰本平素佩服仰羨慕之忱與夫知愛切磋之雅綴數語歸之然益自恨其進無一進而退不一退也惟先生教之

淞杭迺園氏周翰元拜序

題辭

龍喜

許星箕

冰盦

雅興能豪壽有餘百詩紀事溯生初江湖浪迹春婆夢風
雨論交隱者居一老精神真矍鑠千篇歌詠此權輿峴山
當日徵文獻君已年齊蔣尚書

儀徵

陳重慶

驛卿

再上瓊樓十二層人間便有百年人偶逢銅狄摩挲夜却
現金剛色相身詩草勁毫龍變化嶺梅秀骨鶴精神桑田
滄海應三見坐待時清釣渭濱

紀年詩

題辭

一

徐園猶是倚虹園
聒耳蛙聲莫亂喧
紀事編年詩當史
朱顏綠髮祖疑孫
一官一集新花樣
千水千山舊轍痕
不繫義熙書甲子
陶公吟抱共君論

南徐

包榮翰

素人

落拓江湖天生就
觚稜骨格曾記得
燕臺飲馬西冷弄
石山水任從裙屐
數功名羞向旂常
勒把滄桑閱遍付
詩筒留鴻迹
人世改今非
昔風雲變調還
泣望海天有恨詞
壇無敵作宦也
同龔渤海歸田
却效陶彭澤
數長年一字
一迴腸如椽筆

江都
陳懋森
賜卿

載得琴書一舸歸甯辭晚食故山薇閉門覓句消長日不信人間有是非

皓首龐眉健如鵲是翁真作地行仙尊前閑話開天事坐閱滄桑九十年

儀徵
阮恩霖
霞青

層層春夢渺關河同此驚心兩鬢皤君已名山傳著作我非才子老巖阿玄黃世局推枰起元白詩鄰結社過手拂塵襟談舊事酒痕爭比淚痕多

儀徵 劉采年 甸侯

開緘紀歲託新詩不作風雲月露詞
鴻雪情多尋舊印鳳梧棲老感明時
吟成殘菊花如夢香到寒梅蝶不知
我是江州倦歸客來陪觴詠日遲遲

江都 臧杰 少香

生有自來學有自始憂民之憂恥國之恥
非百里才是柱下史

漢之良吏唐之詩人道與時違生不逢辰
有幸不幸吾全吾真

寄詩敘

江都李鍾豫毓如

方山民紀年詩 紫庭自道八十八年甘苦語語率真
不假雕琢詩以陶淑性情壽徵卽在乎此 先大夫官
遵化時 紫庭負笈來遊與先兄荆南冰臣暨華仲履
汪竹泉諸人爲文酒之會親若弟昆余方卅角嬉戲座
側嘗摩余頂而呼小友迨後幕遊宣化相見遂稀宦轍
分馳疏濶尤甚光緒戊戌重來京師匆遽言別不見又
二十餘年今讀其詩計其年登九秩而精神滿紙情見
乎詞不禁動余今昔之感焉敘此郵寄並繫以詩云

憶昔 君從吾 父游燕山童冠居清流過庭自請學詩

禮 君已升堂借筴籌當時各負四方志不因聚散生離

愁造物生才懼干忌布衣奚必爲通侯柏梁文字埋荒草

滿城風雨長悲秋

科場關節案起於滿州
士子平林柏相被罪死

君苗之硯班超

筆知 君甘苦傷依劉

君燼餘詩句云一
生甘苦爲依劉

簿書坐困三十

載浮沉甘作信潮鷗淮南仙舄戀君主飛來又落燕山樓

樓上主人似相識昔時艸角今白頭白頭相見開詩話一

官一集都相伴晨星落落餘二老滄桑閱慣無驚憂從今

我亦賦歸去百年同隱南山邱

自序

昔孔子示人志學之年以至七十從心而又曰假我數年
卒以學易非尙年也學與年俱進也余自束髮受書學古
文及今文詞賦又學申韓學軍旅均無成就祇博一官以
維生計仰事俯畜有遺憾焉歿世無稱與不學等已矣第
洪楊劫後家業凋零父兄伯叔宦轍分馳未及光復舊物
俛以孱軀受前人付託之重若家譜若宗祠若塋墓若田
廬非此二十年次第清釐胥歸消滅何以述祖德啟後人
乎然則余之倖獲餘年豈惟一身之幸哉無以紀之奚以

示來者思所以紀之而位不列卿貳功不載旂常承家繼業子孫之職也問舍求田農圃之事也而又何紀乎竊維古人之不得志於時者隨其所遇托爲詠歌卽事言情亦足以寄感慨見心迹因仿百年詩體例而參酌之自幼而壯而老歷述其生平事蹟而莫之諱夫天地至大也事類至繁也非耳目之所及我無與焉其不必相需而適相值者如鏡斯攝如叩斯鳴妍媸美惡無成見也慷慨悲歌無容心也興觀羣怨無溢情也遠邇而勿忘也初終而勿間也其於聖門學詩之教庶幾無背矣乎然則是詩也非尙

年也年有進而學無進也特因年紀事而髦倦自傷焉爾
矣後之人其卽以是詩爲吾生之行狀也可又何待他日
倚廬之哀述也哉

宣統遜位之八年十月

日方山遺民紫芝氏敘

--	--	--	--	--	--	--	--	--

紀年詩

方山遺民紫庭甫稿



道光十二年壬辰一歲

百年身世肇壬辰十月梅花占早春不羨懶殘舊衣鉢黃
昏落地昧前身

余家舊居西隣古壽安寺寺僧圓寂之日余適降生
相傳以爲異一靈不昧苟能自由亦人生之樂事儒
者弗信也

十三年癸巳二歲



謬識風丁疾病多等閒方藥付兒科不知母氏含哺日消
受人間幾折磨

十四年甲午三歲

歲轉星迴一再週又逢天女散花稠三年懷抱劬勞甚如
此恩勤報得不

余幼多病又出天花母氏劬勞特甚今日懷思恨晚
十五年乙未四歲

百尺珊瑚映九微移來堯母作門楣靈芝玉樹天生就不
數人間鮑令暉